

Месяца маиа в 25-й день.

**Третье обретенне честных главы  
святаго славнаго пророка,  
Предтечи и Крестителя Иоанна  
и скятых Великомученицы Благоверной Царицы  
Александры Новыя,  
ейже творим службу с акафистом  
не ради по плоти рождества ея,  
да не уподобимся оному,  
иже рождеству своему вечерю деял есть,  
но ради Царскаго Высокоторжественнаго дня,  
иже есть совокупное торжество  
Церкви, Царя и Отечества,  
образ неразрывнаго союза  
торжествующих между собою**

**НА ВЕЛИЦЕЙ ВЕЧЕРНИ**

*Поем Блажен муж.*

*На Господи, возвах стихиры праздника на 4,*

*Предтечи на 3, и царице на 3.*

*Аще же пост, Предтечи на 6, и царице на 4.*

*Стихиры Предтечи, глас 8:*

Блаженне Иоанне Предтече, паче солнечных луч возсиявши, обилста от земли глава твоя и верная просвети, юже яко Божественное сокровище имуще, богатую благодать почерпаем, освящающе души, телеса, и помышления, и торжествующе, тя ублажаем.

---

Служба с акафистом написаны в России. Служба печатается впервые. Акафист печатается по изд.: Акафисты Святым Великомученикам Благоверным Царице Александре Новой и Царевичу Алексею. М. «Русский хронограф». 1999. С. 3-33.

Благодать неоскудну источаючи, священная глава твоя, блаженне Предтече, священнику Богомудру, не ведущу показуется, иже потщася верою и благодатию, явление творит сея пришествие, освящаяся с людьми Богомудрыми веру Православную тепле утверждающе.

Третие празднуем явление твоея честныя главы, юже Троица венчала есть, усечена бывши, славне, ревности ради Божественныя; и обретеннем сея радуются ангелстии чини, мученик сословие, Божественнии апостоли и пророцы вси. С ними же нас всегда поминай, Господени Предтече.

*Стихиры царице, глас 4:*

Блаженная царице Александро Новая, иже во младенчестве лучюю солнечною ближними нареченная, днесь яко от персти и пепела злобы и клеветы образ твой милостивно являеши нам, и сие есть подобно возвращению детскии чистоты, паче же ты нас обретаеши, яко погнбшым драхмы, яко овцы завлуждшыя, яко блудныя чада твои, мы же в свет твой вступаем аки в детство, аки в отчий дом возвращаемся.

О блаженне граде Команы: ты не токмо Олимпиаде, но и миру всему златословесную благодать ада победительную источил еси, сея же сладости и царица-мученица во узницех своем вкусила есть: ты, о благознаменитая весь, во скорделах твоих Предтечево сияние хранил еси: радуйся ныне обретению пресветлыя царицы нашея, в день обретения главы Предтечевой паки рождающей к свету Боговедения люди своя.

Якоже в срамное место блудная Иродиа скры злато непятнаемое Предтечеву главу, сице образ твой, о пресветлая мати народа твоего, аще и непщеван бысть погубителем калом христоненавистническим, днесь паучина сия иждисе ныне теплотою твоеюогреваеши нас, ныне сладостию тво

ю наноскрасиши нас, ныне в дом Отца Небеснаго матерски руководствуеши нас.

*Глава, глас 6:*

Богородице Божественных даров, Богохранимая глава твоя, Предтече, от земных недр возсия, юже мы верно приимомце и поклоняющеся, славне, обогощаемя от тебе, Христов Крестителю, чудеса преславными и согрешений прощением.

*И ныне, глас 8:*

О Мати Пречистая Дево! Аще и покаяся жидовин Анании, простерши мерзко рuce свои ко одру Твоему, но несть покаяния в народе русском, простершемся оскорбити безпомощную мать царицу Александру: накажи, яко Ананию, и ны, зленераскаянные: чне во нам ведником внити в Царство Присноживотное, неже имети одесную и ошуюю море мерткое.

*Стихиры на литии, глас 2:*

Вгда явился есть Господь содомляном, не чвоялися суть, ниже усрамилися суть: но осквернити Господа славы поимпели суть: сице же люди русские ангельскую чистоту твою имуще в среде своей, непщеваху тя быти подобней им: но ослепи Господь очи наша, якоже и доднесь не обретави дкери вводящия в Жизнь Вечную.

Ты ли иноплеменник сый, учиши нас? — Лоту глаголаша содомляны иногда: сице же род российский река еси царицу соглядатаю иноплеменною: вси же иноплеменницы, знающие страсготерпицу, глаголаша сию ангелом хранителем Православия и страны нашея: но возненавидеша люди русския самый дух отечества своего.

Исходяще из отечества ветхаго своего, ниже единойды обратилася еси вспять, яко древле Лотова жена. Живущие же в покое Бодоме, прежде Руси Святей, ниже помыслом

часть прияла еси в мерзостях оных, ниже чадом твоим попустила еси. Темже укором явилася еси князем содомским, иже величии бысть токмо в содомстве своем.

*Слава, и ныне, глас 8:*

Егда Ти архангел благовести странное Твое паче ума рождество, аще не ведала еси быти Ти каменем побиваемой, Мати безмужная? На веру и любовь взирающе Твою, отца же веры зряще умными очима, стастотерпица Новая Александра, обручаяся с Россиею, Богу в послушании мужу глаголала еси: Буди ми по глаголу Твоему.

*На стиховне, стихиры Предтечи.*

*Слава, и ныне: Еже от века утаенное: или праздника.*

*Тропарь Предтечи, глас 4:*

Яко Божественное сокровище, сокровенное в земли, Христос откры главу твою нам, пророче и Предтече. Все убо, сошедшее в сея обретение, песнями богоглаголивыми спаса воспоим, спасающая нас от тления молитвами твоими.

*Тропарь царицы, глас 4:*

Днесь вся покровенная твоя открылися суть, ныне вся тайная твоя разумуются суть; зане вся елика во тьме рекла еси, слышится к Свете Невечернем, и еже рекла еси ко уху во храмах, проповестся на Тверди святых: вся во покровенная твоя – свет, вся во тайная твоя – жизнь. Заступи, царице, чад твоих, защити, Александро Новая, волею погибающих: матернее твердое употребив, изведи нас на Твердь Небесную.

## НА УТРЕНИ

*По 1-й стихологии седален, глас 4:*

От земли возсиявши, нетленная Предтечева глава лучи испущает исцелений верным, свыше собирает множество Ангел, доле созывает человеческий род, единогласную возсылати славу Христу Богу.

*Слава, глас тойже:*

Не достоин ти, Кирилле, имети жену брата царя твоего: аще и предал еси христоненавистникам царицу твою во еже умолкнути ей, аще и боговорне ся царем нарекла еси, обаче присно слышиши сей страшный суд твой.

*И ныне, праздника. Аще ли пост: и ныне, Богородичен.*

*Подобен:*

Дево Всенепорочная, Яже Пресущественнаго Бога рождающая, со Предтечею Того непрестанно моли оставление прегрешений, и исправление жития дати нам прежде конца, верою и любовию поющим Тя по долгу, Единая Всепетая.

*По 2-й стихологии седален, глас 4:*

Издавшись, яко золото от руды, священная твоя глава от незаходимых недр земных, обогати верных вся мысли разумением Божественным ныне, покайтесь, вопиющи обычно, ейже поклоняющиеся, Предтече, Христа велегласно верою славим.

*Слава, глас тойже:*

Иродова ради блуда Предтеча увнен бысть: содомских ради свобод чистота семьи твоей возненавидена была еси, ныне же ради блуда всемирнаго царя зрим извиеение народа сербскаго.

*И ныне, праздника, или Богородичен:*

Иже на Престоле Херувимстем седяи и в недрах Отчих водворяся, яко на Престоле святем седит Своем, Владычице, в недрах Твоих. Воплощся во Бог воистину, воцарися над всеми языки, и разумно ныне помим Емю, Егоже умоли спастися равом Твоим.

*По полиелеи седален, глас 4:*

Ирод, Предтече беззаконнобав, честную главу твою мечем отсече бедне, окаянный, юже от любви, вернии, целуем.

*Глава, глас 8:*

Крестителява глава крыяшесе, яко бисер, в земли влажной, и яко свещник Богосветел, украшена, озаряет, чудотворящи миру всему: яко утро, возсия всеблагославно солнцу Предтеча, и невечерним светом возвещая паким нам, се, - взывая, - Агнец Божий.

*И ныне:*

Каждодневно убивающии осьмнадцать тысячи нерожденных чад и безсечно растлевающии повсечно, ставят глумливо памятник царственному сыну твоему, о мати царственная. Будодействовши же содомски ирод всемирный извинения просит у матери саломеи своея всесмелливо, срам покрывая кровию младенцев сербских. Умоли, о царице, Матерь Живота, да умолишь Сына Своего и Бога нашего паким снити скорее, да умертвит вторый ад сей блистанием Божества.

КАНОН ЦАРИЦЫ

*Глас 8:*

*Песнь 1.*

*Ирмос: Колесницегонителя фараоня погрузи, чудотворяи иногда Моисейский жезл, крестообразно поразив, и*

*разделив море, Израиля же беглеца, пешеходца спасе, песнь Богови воспевающа.*

*Притв: Святая мученице Александро Новая, моли Бога о нас.*

Луча солнечная быв, просвети сердце мое, якоже прежде царевичево благодарением Богу преисполнила еси, да от избытка сердца отверзю уста во свете твоём.

От младенчества для Света Христова проникаем кисть, волею же о Христе адаманту подобный, сущей дванадесятолетней ти, благовестник твой имя твое в сердце своем начертал еси.

Сердце твое в сем избраннике твоём Богу присно чистым пребыло еси, единое начертание имени его имущее отныне до века.

Оное оконце во граде Петергофстем, хранящее имен ваших начертание, отверзает нам высоту и глубину судей Божних.

*Песнь 3.*

*Ирмос: Небесаго круга Верхотворче, Господи, и Церкви Зиждителю, Ты мене утверди в любви Твоей, желанный, краю, верных утверждение, Едине Человеколюбче.*

Якоже прежде похвала Муромская, премудрая Феврония, дара царевича не прияла еси, о отроковице, сердца царевичева смиренно чающе.

Звание свое и венец свой сердце твое дванадесятолетнее уведало есть, зряще царевича русского, темже отрицалася еси дара его, даждь ми сердце, в молчании взывающе.

Аще моторскую веру страшилася еси оставити надолзе совестнаго мира ради, мир же оный паким обрела еси в чудодейщих очах жениха твоего, Жениха Небесаго изображающаго, каковый адамант православия обрете в тебе Русь Святая.

Взор царя и мужа твоего сретая по возложении рук его на главу твою в венчании царском, плакася сладце Ольга, сестра царева. Ведяще чудодейственность рук царевых, веруем, яко и ты, царице, чудес источниче: темже умножися благодать соединения вашего брачнаго благодатию с народом венчания, якоже и умилятся сему.

*Кондак и икос Предтече.*

*Песнь 4.*

*Ирмос: Услышах, Господи, смотрения Твоего таинство, разумех дела Твоя, и прославих Твое Божество.*

Брак честен венцы стяжает, севастиистим равночестнии. О святини супрузи царственнии! Брак ваш венчал есть Христос венцы мученическими.

Шесть водоносов вином сладким благ земных содела в Кане Господь, сладчайший же небесный водонос Ты Сый, Святый, Крепкий, Безсмертный, темже и святини супрузи царственнии во сокровищнице заключения своего седмым водоносом субвотствовали.

Вино Каны Галилейския скачет в Жизнь Вечную, Ты же, Господи, мученичеством венчая венценосцев венчаных, подаеши им чашу Твою Гефсиманийскую, кровню царственных мучеников Вечной Русь Святую соделова.

Кровню Христовою чрез все житие упоеваеми, достигоша во браце своем седмаго тайнаго водоноса, иже есть Крест Христов: имже грядуще во Царствие Небесное, кровь свою Господу принесоста, стены же дома Ипатиева голгофски точаху кровь Христову в вашей крови.

*Песнь 5.*

*Ирмос: Вскую мя отринул еси от лица Твоего Свете Незаходимый, и покрыла мя есть чуждая тьма окаянна-*

*го. Но обрати мя и к свету заповедей Твоих пути моя направи, молюся.*

Яко очи матери твоея ты была еси, Ольго царевно, проница глѳбины и тайный смысл икономии Божией, якоже и молитися всей семье тобою: пошли нам, Господи, терпение.

Кто убо послушатель, аще не ты, царевно Татиано, иже на всякое время волю свою слышания ради воли матерней отревавшая, ты, слышавшая Слово Божие и в послушании творивая.

Обоняние Христова благоухания буди нам, о царевно Марие, якоже матери твоей была еси утешение и поводырь, паче же и врач дѳховный: зане от всех токмо тебе избрала есть, чада своя оставляя в Товольске.

Скачущей в Жизнь Вечную осязаем мы Великую Агнасму: веселия же дѳховнаго исполняем, чтѳще житие твое, Анастасие, царевно юнейшая, Жизни Вечной и Воскресения яко осязание подаеши нам, осязающим дѳховно преизбыточествующее веселие жития твоего.

Вкушение уготованных благ жития тогда токмо чувствоваше, о царице, егда сын твой здрав бываше: яко соль, токмо сей крепость мужеству твоему предаваше за еже спасти Святую Русь.

Якоже слово и мысль, иже глаголет Божественный Палама чувствием шестым, муж твой царственный бысть тебе, о царице: сей бо утверждаше чувства и порывы твои, сей чтоше ты самую, яко присно ему единому отверзтую книгу.

Аще шесть рекохом чувствий твоих, о царице, равных числом водоносам в Кане, како забудем реци, яко вся и во всех сих Христос ве, везде Сый и вся Исполняяй, Мир и Покой глѳбокий, присносубвотствующий Воскресением.

## Песнь 6.

*Ирмос: Очисти мя, Спасе, многа бо беззакония моя, и из глубины зол возведи молюся, к Тебе бо возопих, и услыши мя, Боже спасения моего.*

Вящияго дара сподобляет тя Бог молитвами Герафима преподобнаго: по рождении сына твоего глаголеши со Апостолом: аз язвы Господа моего на теле ношу: в мучении сына твоего сердце язвой отверстой имущая.

Господи, кто верова слуху нашему, и мышца Господня кому открыся: како ты, каждочасно трепеща за живот сына, отвергаеши телохранителей его, безмерным тела хранением страшася душу царевича повредить.

Отменяет рождейся агнец сын твой наказание телесное народу русскому, страдание иже чрез тело на ся приемля. О, колицыми телесами выслано есть убиеение Русью таковаго царевича!

Сердце царево, аще и кровь точащее, в руке Божией есть, темже совесть неповрежденну имела еси, о мати святая, больна царевича в Тобольске ради России отвергаяся.

АКАФИСТ  
СВЯТОЙ ВЕЛИКОМУЧЕНИЦЕ БЛАГОВЕРНОЙ  
ЦАРИЦЕ АЛЕКСАНДРЕ НОВОЙ

## Кондак 1.

Избранная Помазанником Божиим в царицу и мать народу своему, аще и недостойнии, похвальная восписуем ти, о страстотерпице, но яко имущи вино и елей и злато любви твоея, обрати нас вонстину быти яко дети, да внидем в Царство Небесное: Радуйся, милосердая царице Александро Новая, страданиями твоими струпы греховныя наши обязующая.

## Икос 1.

Ангелу подобный послан бысть православный царевич реши тебе: Радуйся! И аще слезы точаста очи твоя доселе, авне престаста, глаголющу ему:

Радуйся, еюже православное благочестие возсияет; радуйся, еюже лютое нечестие померкнет.

Радуйся, материнства и отцовства издѣтска обнищавшая; радуйся, детски Россию во отечество и родину вменившая.

Радуйся, в Дом Пречистой входящая; радуйся, из рук Ея чада русския приемлющая.

Радуйся, в сиротстве твоём ныне Материю Божию восприемлемая; радуйся, Феодоровской Владычице посвященная.

Радуйся, прежде трупы последней новое имя стяжавшая; радуйся, яко именем твоим люди Христовы защиту обретают.

Радуйся, яко верова Богу в Помазаннице Его; радуйся, яко вменися ти в правду сие.

Радуйся, милосердая царице Александро Новая, страданиями твоими струпы греховныя наша обязующая.

## Кондак 2.

Видящи святая себе в вере иной, глаголет царевичу исповеднически: не можно есть человека предпочести Богу, како смогу любовь Христову любви ради твоея отринуть? Како забуду Бога отец моих? Аще предам Христа, и твоя изгибнет любви. Сей же, узрев веру сию, умиленно зываше: Аллагуна.

## Икос 2.

Разум недоразумеваемый разумети из тьмы люторства ищущи, плакася горько святая. Но яко един от древних, на них же взирающе во свидетельстве их, люди, звери и камене славляху Христа, глаголет царевич, яко любви его – икона любви Христовой, яко паче взыску-

ет Бог православия ея, неже үневéщения, с сим же и мы зовем сице:

Радуйся, исходящи от земли твоя; радуйся, яко восходиши в дом Отца твоего, Иже на Невесех.

Радуйся, лучюю солнечною во отечестве именованная; радуйся, яко к Солнцу Правды присно обращенине лучи сия.

Радуйся, любовмудрием известная; радуйся, мудрость любовию о Христе свидетельствовавшая.

Радуйся, Ребеккины десять дний пождания поминавшая; радуйся, яко новый Исаак сей десять лет не ұстал есть ждати тебе.

Радуйся, зряци Иакова четырнадцать лет Рахили работавашаго; радуйся, яко жених твой десятилетним терпением стяжал есть дүшү твою.

Радуйся, яко сей, тебе взыскүя, весь мир прешел есть; радуйся, яко начавшися тобою странствие сие в тебе кончину имело есть.

Радуйся, милосердая царице Александро Новая, страданьми твоими стрүпы греховныя наша обязүющая.

*Кондак 3.*

Сила Вышняго осени тогда к смирению царицү риторев премүдршүю, в мүжи Бога воятися науцаюци, всем же сеюцим в смирении жати спасение обещаюци, внегда петн сице: Аллилуна.

*Икос 3.*

Имүци в мире гүбоце святая совесть свою, востечé ко Елисавети. Сестра же сия бóльшая, матере место заступяюци, сице благословляше ю:

Радуйся, дар многоценный царевичев прежде возвратившая; радуйся, благам царевичевым царевича предпочтшая.

Радуйся, аще и клятвү нóсиши в крови твоей; радуйся, яко клятва сия кровию о Христе излиянною благословением миру дадéся.

Радуйся, прежде рождения сына тайнү его в смерти брата познавшая; радуйся, страх клятвенный на любовь в послушании Богу пременившая.

Радуйся, тремя странами присвояемая; радуйся, всему миру чужестранная.

Радуйся, на царстве юродою сүщая; радуйся, юродством Царство Невесное стяжавшая.

Радуйся, глаголющая избраннику Божию: буди мне по глаголу твоему; радуйся, ныне ведящая любовь Божию крепльшүю смерти.

Радуйся, милосердая царице Александро Новая, страданьми твоими стрүпы греховныя наша обязүющая.

*Кондак 4.*

Бүрю внүтрь имеючи помышленной сүмнительных, целомүдренная смятесе, мүчеников веры поминаюци, но сретяюци взгляд цесаревича, небо үзре отверсто, и мир предвечный, и тишину инүю, тем же со страхом в молчании зывала есть: Аллилуна.

*Икос 4.*

Слышавше пастырей российских, глаголящих тя благочестивейшею, не ұсомнимся в Церкви, иже не имать льсти во ұстех своих, крепце верүем, яко ты, о царице, вонстину благүю часть избра, еяже, помолися, не лишнтися и нам, да отверзем ұста еже петн ти:

Радуйся, разума Христа ради совлекшаяся; радуйся, в Царство Невесное вшедшая.

Радуйся, плачүщая сыном за грехи народа рүсскаго; радуйся, мáтерей рүсских в скорби үтешающая.

Радуйся, кротце народ отрекшийся простившая; радуйся, землю кротких наследовавшая.

Радуйся, правды Христовой алкáвшая; радуйся, истее причащающаяся в невечернем дни Царствия Христова.

Радуйся, возложеннем рукъ твоєю на болящих милость царскую подававшая; радуйся, яко ея милости твоя до полунощи достанет нам.

Радуйся, яко избыток сердца твоего в пяти чистейших чадех твоих; радуйся, чистейший крин во дворех Бога нашего.

Радуйся, милосердая царице Александро Новая, страданными твоими струпы греховныя наша обязующая.

*Кондак 5.*

Боготечную звезду во мгле времени последняго зрима, святая царице, новаго дне невечерняго зарю предвистающую нам: несть во дни сем ни еллин, ни иудей, но вся и во всех Христос. Тако дивящися тебе, пришелице сущей, превозшедшей православием Русь Святую, Богу поем: Аллилуиа.

*Икос 5.*

Видящие отроцы Христовы на рукъ твоєю царственнаго страдальца Алексия, и владыку Новой России разумевающие сего, аще и в немощи его слава Божия совершается, сице потщахуся пѣсньми служити тебе:

Радуйся, яко Владычица Державная на тебе указывает; радуйся, яко Предвечный Младенец державу тебе возвращает.

Радуйся, яко аще и Бог Сый, но без Матере не может вочеловечиться; радуйся, яко сын твой присно державствует во местоблюстителстве твоём.

Радуйся, указующая, яко материнство во Дусе Святе спасает мир; радуйся, самодержавие семьи пророчествующая.

Радуйся, семьи во Христе охранительнице; радуйся, блудныя сватовства разрушающая.

Радуйся, болящих младенцев целительнице; радуйся, израненных ратников окормительнице.

Радуйся, в ратных трудех чад сохраняющая; радуйся, некрепденных сих молящимся матерем возвращающая.

Радуйся, милосердая царице Александро Новая, страданными твоими греховныя струпы наша обязующая.

*Кондак 6.*

Проповедницы Богоносни бывше десять тем воев русских во тьме и сени смертней сидящим народом востока крайняго, целокупно воспринимше сына твоего от купели, о царице, Богу единомысленно восклицаша: Аллилуиа.

*Икос 6.*

Возсиявый России надежду примирения в Бозе, отроча родися нам, сын, и дадеся нам, отца державнаго подвизая ко иночеству, мать святую призывая явити на свещнице престола добродетель свою, нам же предлагая пети о ней:

Радуйся, десять тем мучеников долга в восприемники сыну зовущая; радуйся, кровию сына твоего сим сострадавшая.

Радуйся, имение царское увечным ратником разделившая; радуйся, во врачевнице Христа посетившая.

Радуйся, тьмою дарований Господа обязавшая; радуйся, рuce твоя в смрадных раны простиравшая.

Радуйся, ангелом подобно, смрадных мытарей отгоняющая; радуйся, яко одежды твоя страдания облегчала.

Радуйся, яко Христа во вдовицах нагих и сиротах ратных одевавшая; радуйся, тайно гробы мучеников долга посещавшая.

Радуйся, умершая для празднеств родовых; радуйся, сестрою милосердия народу твоему явленная.

Радуйся, милосердая царице Александро Новая, страданными твоими струпы греховныя наша обязующая.

*Кондак 7.*

Хотящей старице Марии новгородской от нынешняго века преставитися прелестнаго, крестное пророчество и плод райский от нея прияла еси, о страсотерпице, снѣ же, небеснѹю лѣпотѹ славы твоея мѹченическаѣ прозревающи, верою и любовнѹю вопияла естъ: Аллилуѣа.

*Икос 7.*

Новѹю показа тя мѹченицѹ Александрѹ преподобнѹю Серафим, новѹю обшину дѣвичню в дщерех твоихъ создаѣа. Мы же видяще тя, о царице, водами источника саровскаго покрываемѹю, со ѹмилениемъ зовемъ ти:

Радѹйся, древяго благочестѣя ревнительнице; радѹйся, ветхихъ святѹнь почитательнице.

Радѹйся, двема старицами на страдания благословенная; радѹйся, купно со святою сестрою два храма Бога Живога намъ являющаѣя.

Радѹйся, крещениемъ сарѹвскимъ новое крещеніе Русѣи прощающаѣя; радѹйся, западной тли Русѣи свобождающаѣя.

Радѹйся, Дѹха Свята молитвами Серафима сподобляющаѣя; радѹйся, Дѹха целомѹдрія, терпенія и любве струѣи источающаѣя.

Радѹйся, мѹжа лишитися ради Христа готовая; радѹйся, яко тебе снѣ авраамски вменилося естъ.

Радѹйся, новая послушница Серафимова; радѹйся, яко тобою спасѹтся тысящи.

Радѹйся, милосердая царице Александрѹ Новая, страданьми твоими грѣховныѣ стрѹпы наша обязѹющаѣя.

*Кондак 8.*

Странное рождество сына твоего видяще, ѹстранимся мѣра, ѹм на небеса преложше: како снѣ чадо молитвы, благословеніе Серафимова, неисцельно болящимъ является? Аще ли не глаголетъ отцѹ народа русскаго, яко чада его неисцельно больны сѹтъ? Но и в сей скорбней тайне благодаримъ Бога, поюще: Аллилуѣа.

*Икос 8.*

Весь бе в вышнихъ, но и нижнихъ никакоже отступѣи сын твой, о мати, еѣже дѹшѹ во всякое время и на всякій часъ проходитъ оружіе: како наследникъ державы великѣя носѣмъ естъ рѹкама меньшаго раба: како во ѹчастіи народнемъ повсечасно нѹждѹ имелъ естъ: ѹказѹѣя, яко не можетъ безъ народа царь, ѹказѹѣя, яко не можетъ безъ царя народъ, ты же, ѹтѣшающѣи народъ сыномъ твоимъ, слышиши отъ всехъ сице:

Радѹйся, яко держѣи на рѹкѹ твоею поконлся естъ; радѹйся, днесъ молящи его простити наши грѣхи.

Радѹйся, яко сынъ твой воистинѹ глава народѹ своему; радѹйся, яко телесемъ отъ главы своеѣ неотъземлемымъ народъ сей зрѣтся.

Радѹйся, яко сынъ твой присно питаемъ пищею ратниковъ простыхъ; радѹйся, яко народъ твой спасетъ токмо причастіемъ страданій сына твоего.

Радѹйся, оправданная кротостію сына твоего; радѹйся, ксеми зримая во смиреніи сына твоего.

Радѹйся, яко страдания его лепота дѹши твоеѣ; радѹйся, яко в мѹчениехъ его расширяетъ сердце твое.

Радѹйся, аще и дни его маан и исполнены лютыхъ скорбей; радѹйся, яко скорби снѣ златомъ, ливаномъ и смироною Предвечномѹ Младенцѹ принесѣны сѹтъ.

Радѹйся, милосердая царице Александрѹ Новая, страданьми твоими грѣховныѣ стрѹпы наша обязѹющаѣя.

*Кондак 9.*

Всякое естество ангельское ѹдивися великомѹ твоего милосердія делѹ: неприступнѹю, яко царицѹ, зряще гноимымъ, смраднымъ, в малѣ живымъ сѹщимъ приступнѹ, яко милосердѹю сестрѹ, юже епископъ некий матернѹ милосердія нарека естъ, славя Создаващаго ю: Аллилуѣа.

*Икос 9.*

Вѣтѣя многовещанныѣ, яко льстивыѣ змиѣ, лжѹ влакнѹщѣи во слѹхи народныѣ, видимъ о тебе, страсотерпице.

Мы же зрим едину от клевет твоих, иверскую княжну, иже надолзе умираючи, за все славяше Бога молитвами твоими, о царице. С оною же и мы поем:

Радуйся, вверившаяся токмо Божию попечению; радуйся, всякое попечение отложши суетное.

Радуйся, в тайне смерти любовь Божию созерцаючи; радуйся, судев Божиих тайнозрительнице.

Радуйся, сердце твое вертоград Божий содеявающая; радуйся, яко в сердце твоём Христос главу преклони.

Радуйся, от избытка сердца твоего подающая требующим; радуйся, яко сердце твое обитель Святыя Троицы есть.

Радуйся, выну возгревавшая дар Божий, живущий в тебе; радуйся, в новом отечестве твоём истинным даром Божиим явившаяся.

Радуйся, яко царица сущи, явися аки служащая; радуйся, умывшему нозе равом Своим послужившая добре.

Радуйся, милосердая царице Александро Новая, страданьями твоими греховныя струпы наша обязующая.

*Кондак 10.*

Спасти хотящи Рим Третий, якоже собирает кокош птенцы своя под крыле, влающийся изменою кораблец русский кормила еси. Людие же твои соглядатаю тя нарекоша, не ведяще, яко истинно соглядатая Царства Небеснаго ты была еси: сошед убо узрю, аще по воплю содомскому грядущему ко мне совершаются: очами твоими соглядал Сый Христос новый Годом, тебе поющей в скорбех: Аллилуна.

*Икос 10.*

Стена и забрало еси по имени твоём, страсотерпице святая Александро, степенъ неколеблемый лестницы к Небеси, отнюдуже отверзаются пажити Христовы, мы же, тщащесе утвердитися на степенн сей, вопием ти:

Радуйся, защитнице российской; радуйся, защитнице плененных.

Радуйся, защитнице ратная; радуйся, защитнице детская.

Радуйся, защитнице девства; радуйся, защитнице брачная.

Радуйся, защитнице послушествоующих; радуйся, защитнице монашествоующих.

Радуйся, защитнице оклеветанных; радуйся, защитнице долго болящих.

Радуйся, защитнице немощных в старости; радуйся, защитнице беззащитных.

Радуйся, милосердая царице Александро Новая, страданьями твоими струпы греховныя наша обязующая.

*Кондак 11.*

Пенне всякое побеждается, вместити тщащесе скорбь твою, егда на посланиих твоих государю твоёму русские люди писаша: «Не ведем, где есть сей». Что убо рцем вси от всея души и от всего покаяния нашего Богу, в долготерпении прославляющу тя, токмо: Аллилуна.

*Икос 11.*

Светопримную свещу сущим во тьме болящим чадом твоим зрим тя, о страсотерпице: егда дух праздности обужал Русь Святую, солнце не даде света своего в сокровищницах ваших за ужас отречения от Бога народа русского. Мы же, аще и слепорожденнии сущи, чаем узрети очами вашими великия и богатыя милости, хвалу ус-тён возносяще:

Радуйся, яко ты свет миру еси; радуйся, яко ты прозираеши духовно слепотствующих.

Радуйся, яко ты еси упование безнадежных; радуйся, яко ты еси покой послушных.

Радуйся, верная России в Бозе даже до смерти; радуйся, подающая верным венец живота.

Радуйся, научившаяся кротости и смирению сердца; радуйся, обретшая покой душам нашим.

Радуйся, навикшая, в них же еси, довольна быти; радуйся, удовлетворяющая просящих тя.

Радуйся, в неутешных скорбех утешенная; радуйся, утешающая скорбящих.

Радуйся, милосердая царице Александро Новая, страданиями твоими греховныя струпы наша обязующая.

*Кондак 12.*

Благодать дати восхотевши народу своему, егда вси людие русскии сокрыша таланты, Богом данные, от Божия Помазанника, тогда тьму талант ты, о царице, со царственным спругом твоим иждила еси на ратников увечных, темже самей ти, в заключении сущей, благословися нужду терпети, славящей Христа во обстояниех: Аллилуиа.

*Икос 12.*

Поюще житие твое и страдания твоя, о царице, хвалим тя вси, целомудрия источнице: ни едино от чад твоих потеряно высть для Царства Небеснаго: како в Годоме новом девства телеснаго и духовнаго дивный цветник насадила еси, его же воля есть Христовым людем в живот вечный, содомляном же в вечное жжение, его же избави нас, да поем ти:

Радуйся, еяже слава вся внутри и доныне; радуйся, яко желает Царь доброты твоея.

Радуйся, яко ведутся девы вослед тебе; радуйся, предстоящая одесную Христа.

Радуйся, Богу выну преклоняющая ухо твое; радуйся, яко ныне в ризах позлащенных одеяна.

Радуйся, исходящая в сретение Жениху; радуйся, имущая светильник горящий.

Радуйся, не могущая укрытися верху горы стоящи; радуйся, имущая елей в пяти сосудех твоих.

Радуйся, яко тобою ноць России преста и день приближися; радуйся, яко тобою Свет Христов просвещает всех.

Радуйся, милосердая царице Александро Новая, страданиями твоими греховныя струпы наша обязующая.

*Кондак 13.*

О святая мученице царице Александро Новая! Егда народ твой сходяше от Руси Святей в Вавилон, в разбойники впадэ, ты, о мати милосердия, елеем благотворений и вином церковных торжеств умачала еси его. Паче же и на рамена отроковниц твоих возложи тяжкия раны греховныя наша подъяти, и все именование семьи твоей иждила еси в тяжелой брани с народом, милосердием твоим гнушающимся. Обаче добрая самаряныня сущи, приведи нас ко кладезю Живота Вечнаго, да не жаждем во век, Богу зовущие: Аллилуиа.

*(Сей кондак глаголи трижды.*

*Посем же паки 1-й икос и 1-й кондак.)*

*Песнь 7.*

*Ирмос: От Иуден дошедше отроцы в Вавилоне иногда, верою Тронческою пламень пещный попраша поюще: отцев Боже благословен еси.*

Что убо сотворим, егда всяк зол глагол рекут на ны, ажуще ради и доныне Клеветаемаго? Ухлэбим, напоим, введем, одеем, в темнице посетим Бога, якоже и тьмами клевет оболганная царица милосердно простиралася в служение народу своему.

Аще слышиши царицу нарицаему неистовою, зри боев увечных, молящих царицу держати рuce их, врачом совершающим действо хирургическое: аще слышиши нецеломудренной нарицаему, зри ближайшую клевет ея, развращенной клеветаему и девственной врачами сви-

детельствүемүю, зри четыре дщери сия, о них же блүдныи стражницы не возмогоша растлению радоватися, безпомощным сим сүщим, аще слышиши иноземною и чүждаго дүха царицү нашу, вопроси, кто прославил Иоанна Тобольскаго.

Егда искаше царица помощи и совета ү власть имүщих земли Рүсския, сице глаголаша сии: ни, но да царь не бүдет над нами, и мы бүдем, якоже вси языцы: имей ны отреченны, прежде отречения царева царя отрекаяся.

Егда боляхү чада твоя, о царице, изшедшү от вас господинү твоемү, токмо немнози посещаша тя: аще кто не страшится, ты рекла еси. Не ради болезни чад страх сей ве, но ради жидов: үже во бяхү сложилися жидове, да аще кто исповесть Его христа, отлүчен от общения бүдет.

*Песнь 8.*

*Ирмос: Седмерицею пещь халдейский мучитель, благочестивым неистовно разжже, силою же лучшею, спасены сия видев, Творцү и Избавителю вопияше: отроцы благословите, священницы воспойте, людие превозносите во вся веки.*

Три дни без вести о царе твоем ты была еси, о страстотерпице: кто изречет безвестность сию? Яко во чреве китове, яко в тесном гробе, во отечестве твоею возлюбленном ты была еси.

Не вемы, где есть сей: отвещаша ти свободолюбцы о Помазаннице Божием. Днесь мы вемы, где есть царь наш, где еси ты, о царице, со чады и слүги вашими. Где сүть отвещавшии – не вемы: свобода сих есть сводное падение вечное.

Нощь несветла приниче на землю Рүсскүю, егда отрекаяся еси народ от Царя Небеснаго, и воздремашася вси и спяхү любящии Христа, тогда ты, о царице, яко отрокови-

ца течаше, внезапно слышавше: Се Жених грядет: зряще во образе мүжа твоего нүдеями порүганнаго Христа.

О како бүесловнии пишүт, яко токмо мүжа в царе любляше ты, о страстотерпице царственная: ты, иже преклоняше колена пред Помазанником Божиим в священном короновании, ты, иже Новом Многострадальным его именоваше, ты, иже об отречении үслышавшая – «Бүди мне и чадом моим по глаголу твоемү» – кротце рекла еси.

*Песнь 9.*

*Ирмос: Устрашися всяк слүх неизреченна Божия снисхождения, яко Вышний волею сниде даже и до плоти, от девического чрева быв Человек: темже Пречистүю Богородицү вернии величаем.*

Сонмице правителей привременных надолзе искахү осүдити царицү-мүченицү: и ни единой вины не обретеса на ней: не терпя чистоты и святости ея, смертию сияние сие погасити тщатся: обаче страстотерпица за Имя Божие смерти не үзрит во век: от часа сего жены их – жены лотовы, жены новы, незавели и иродии, и иных не бүдет правителям страны сия за кровь Александры Новыя.

Егда все царство твое чүжестранною тебе, о царице, нарицаше, ты, о страстотерпице, неколеблемая о любви к России глаголала еси, разлүчения с нею не терпяще, нас научая во үтрате любви ко отечествү үтраты Адамовой страшитися.

О мати святая царице! Аще ли сердце твое не провеца ти чад твоих камо ведүт степени сии? Но, үневестившая чад твоих Женихү Христү, помолнись о чадах российских.

Кая из матерей христианских не похвалит тебе, о царице? Зане всех лучше брак дщерей твоих үстроила еси, чрез Небесное сие родство странү нашу паки Богү үневестивши.

*Светилен:*

Не терпяше на мнозе крыти земля главѹ твою, якоже глас вопиющаго, ты обретенне ея образом неким возвестил еси, Предтече Иоанне, воньже тя почитаем.

**Глава:**

Чада малыя во тьме ся зряще, матерь свою призывают. О мати царице! Во тьме страхований наших яви нам свет безстрашия твоего, рцы народу твоему: «Аз есмь с вами», милосердая мати.

*И ныне, праздника, или сей:*

Светильницы Света Христова еста, о Предтече Господень и царице: како древлее и новое в вечность соединяете, како блѹд и гордость посрамляете, како сквернѹ нашу светом вашим милостивно испепеляете.

*На хвалитех стихирь на 8.*

*Стихирь Предтечи, на 4, глас 5, в минее.*

*И царицы, на 4, глас 4:*

В пажить враннѹю, злак славы мѹченическа израцающѹю, яко в езеро Севастийское, войску рѹсскому вступившѹ, воевода нецый ти знаемый, о царице, просит тя, да и емѹ быти тамо: ты же авие приемлеша сего, разрѹшая закон дома царева ради закона Божия, дѹшѹ свою за дрѹги своя воеводе повелевающаго положити, сице и наши молитвы приемлеша авие, аще токмо ко спасению бѹдут прошения.

В заточении твоём, о страстотерпице, велию печаль имяше ты о воях ѹвечных во врачевницах имени твоего, понеже не мощно ти бысть простирати рѹце в помощь сим: простри ѹбо нам ныне рѹце твои: от ног даже до главы несть в нас целости: ни струп, ни язва, ни рана палящаяся: несть пластыря приложити, ниже елея, ниже обвязания:

вемы, царице, яко ты можеша ныне вся, елика хоцеша, Богу поспешествѹющѹ ти.

Последним Великим Постом твоим сродником и знаемым рѹкою твоею списаваша Покаянный Канон Великий, от него же кондак на исход дѹши поем вси, ты же соработала еси Андрею Критскому, той же в день страдания своего приял тя со сродники, мы же, на тя взирающе, ѹнше зрим скверны своя, темже молитвами твоими дерзаем стенати: Помилѹй мя, Боже, помилѹй мя.

Якоже Господь, согнѹв книгу, отдав слѹзе, седе, якоже Бог почи в день седмый от всех дел Своих, яже сотвори, якоже рече Господь Господеви моему: седи одеснѹю Мене: сице ты, о царице, снизшед в подклет дому Ипатиева, воспросила еси о седалище, книзе жития твоего совершившейся, праведным трудом скончавшимся, овцестию твоею одеснѹю Невеснаго Царя ти зримей: темже возсела еси сѹдити овеманадесятима коленама Израиля Новаго.

**Глава, Предтечи, и ныне, Богородичен.**

## НА ЛИТУРГИИ

### МОЛИТВА

Великомученице Благоверной  
Царице Александре Новой

О святая мѹченице царице Александро, о возлюбившая Господа от всего сердца твоего, и от всея дѹши твоя, и всею крепостию твоею и всем помышлением твоим! Вемы, яко младенца тя сѹщѹ страданнем венча Христос матери ти ѹмершей: помолися о чадах наших, мѹтерей лишенных, мѹтерями оставленных, мѹтерями ѹвиенных. Вемы, яко Жениха ради Невеснаго готова была еси отвергнѹти жениха царственнаго: помолися об отроковицах и отроцех на-

ших, да не изберут скотскую пищу, ценою души купованную. Вемы, яко возненавидена была еси ближними от венца брачнаго: помолися о юных женах, в дома мужей входящих. Вемы, яко негодны были суть чада твоя, дондеже наследник не родися: помолися о женах, в долгонедужии сущих. Вемы, яко чадо молитвы, чадо веры твоя, сын и наследник, ненцельно болен явился есть: помолися не быти оставленным болящим младенцем страны твоя. О избранная крестоносице Христова чрез все житие твое, возлюбившая народ твой паче себе: возжелевшая паче умерети, неже оставити страну твою: разделившая мученический венец с Помазанником Божиим: умоли Бога твоего, да не отступим от Него в час посещения нашего, да верны пребудем Христу кийждо на месте своем, да внидем в Царство, идеже ты солнечная луча еси Солнца Правды, Христа Бога нашего, в Троице славимаго. Аминь.